

# IN DÌ D'OGGHJI

## Conti di Saldigna



## La dì 28 di Malzu di lu 1370



### MARIANU IV DAPÓI D'UN TEMPU LÒNGU D'ASSEDIU SI PIDDHA OSILU



Dapói di l'amistài tra li saldi e l'aragonesi filmàta illu 1355 in Sanluri, **Marianu** riscisi a turrà a appustà pa' sighi, più a innanzi, la gherra. Appiù, grazì a lu cóiu di lu só' erédi Ugoni cun la fiddhóla manna di Ghjuanni di Vicu e chissu di la fiddhóla Beatrice cun Aimericu VI, visconti di Nalbona e chi sarà dapói ammiragliu di Francia, uttinisi impultanti alliàti. A lu cumenciu di chissi deci anni vi stési un cunveniù di sponu pa' fà cuiuà una di li fiddhóli di Marianu cun lu chi dia divintà re, Pétru II di Cipru. Dapói di l'amistài di Sanluri, illu 1365 lu malsangu turrési a cumincià, chista 'òlta ancóra cun l'appróu di papa Ulbanu V chi cunzidizi a Marianu la licenzia invadendi.

Ma a diffarènzia di la palti di la gherra fatta a innanzi, undi lu mattessi suberanu era ghjuntu in Saldigna pa' lampanni l'Alburea, abà li catalani erani impicciàti illa gherra mintuàta com'e "di li dui Petri", e non pudiani mandà nuddha di piùni chi una calche cumpagnia, intantu chi lu ghjudici turràa a assidià Casteddhu, si piddhàa Viddha di Ghjesgia e si facia patronu agghjummai di dugna palti e lócu di la Saldigna. Sólu dapói chi è cumprita la gherra contra la Castiglia, lu re d'Aragona pudìsi aunì bastanti folzi pa' disputtà cun lu ghjudici. Illu 1368 lu re Pétru mandési una spidiziòni siguta da Pedru Maltinez di Luna, maritu di una nipóti di Marianu IV, Elfa di Xèrica. Cutàlu sighisi li suldati finza suttu li muri di Oristanu, punendila inn assediù. Li suldati catalanu-aragonesi, cun l'ùmbari scarragghjati, vinisi trampàta da l'attaccu cumbinatu di Marianu e di lu fiddhólu Ugoni (chi sarà poi ghjudici), chi ammazzésini illu campu ancóra lu mattessi capitanu mannu di Luna. Illu 1370 Marianu piddhési pussessu di Sassari, chi dapói di un empu longu d'assedio, ziditti intrendi a fà palti di lu cuntestu tirrittoriali ghjudicali e, in chiss'annu

mattessi, una só' ambasceria ghjunghjisi a Avignoni pa' la dummanda, da palti di celti caldinali a lu papa, di turrà a cumpuni la só' "lite" cun lu re d'Aragona. Illu mezu, lu Guvelnadóri Suprastanti di lu Locudoru, Dalmazzu di Jardì, cumparési pa' 3000 franchi di alfunsinu minuti, l'agghjutu di Brancalioni Doria contra lu ghjudici. Ma l'agghjutu di lu Doria stési schessu e mudestu, tant'è chi la sóia vèni ghjudicata una gherra di bistiamu, più e più contra li Bosani chi piddhésini a l'abitanti di Montilioni e Capula (Bonnannaru) abbeddhu fiottuli di bestiamu. Dapói di la molti impruìsa di la muddhéri di Ugoni, illu mesi di Natali di lu 1370, li suldati alburesi, dapói di un tempu longu d'assediu, **la dì 28 di malzu di lu 1370 intrési inn Osilu**. Illu mesi di Sant'Andria di l'annu mattessi, arriési un tempu di risettu tra Brancalioni Doria e Marianu, risettu che, di siguru, silvisi pa' faiddhà di un accordu pa' spusà tra iddhu mattessi, Brancalioni e la fiddhóla di lu ghjudici, Lianùra. Sapèmu, a dugna manéra, chi primma di lu 'agghjimu di lu 1376, no si fési lu cóiu, di sigùru pa' la molti impruìsa di lu babbu Marianu IV d'Alburea.

Sapèmu, diffatti, chi un celtu Nichola di Bosa, chi si prisintési cu' una delegaziòni a lu cuspettu di Pétru IV d'Aragona, infulmendi lu suberanu di la molti di lu ghjudici cumbinata illu mesi di malzu di l'annu mattessi (1376), pó dessi pa' la pesti arriàta l'annu a innanzi.\*\*

A la molti di Marianu IV piddhési lu cumandu, sigundu le réguli di succissiòni di la curona de logu, lu donnichellu Ugonu, (III) fiddhólu mannu di lu ghjudici intarràtu.

\*\*Ammintèmu chi, sigundu Mauro Sanna, chi piddda li datti da li littari di lu re d'Aragona, la molti di Marianu sarìa cumbinata illa sigunda mintài di lu mesi di Magghju di lu 1375. (cfr. "La molti di Marianu IV d'Alburea illi littari di Pétru lu Cirimuniòsu", illu libbru "Mumenti di cultura catalana in middh'anni", Nàppuli, 2003).

